

Transkription von Urkunde HST 1368b

Ort, Datierung: Stralsund, 1368-05-02

Signatur: Landesarchiv Greifswald, VRep. 1, 65

Inhalt: Bertram Wulflam: Schiedsspruch

Wȳ Bertram wulflam . vnde Johan vreen . Borg(er)mest(er)e to deme / st(ra)lesunde . lambircht
būcwolde . vnde Sȳuerd van der brūgghe knape(n) / bekenne(n) des openbare an desser iegenwerdighen
scrift . Dat wȳ ghe/esschet vnde ghe beden sint . van deme abbete vnde kouente to hidde(n)ze / van der
enen zide . vnde van hans priben . vnde pribe schutten brud(er)e . / vnde van Reȳneke schūtten van der
anderen ziden . ene mȳnne eder / eȳn recht to kesende vnde to sprekende . v(m)me de schelinghe . de
ze hadde(n) / v(m)me dat werder . dat dar is ghe nūmet Radmers werder . dat / dar licht bȳnnen der
schede des sinxtes . Des hebbe wȳ anghe seen . / de redelike be wȳsinghe des vorb(enomeden) . abbetes
vnde konuentes vnde hebbe(n) / en to ghe sproken . Dat vorb(enomede) werder . also dat de
vorb(enomeden) . hans . pribe . / vnde Reyneke sik altes nicht dar inne hebben vnde scolē beholden .
vnde / nene hindernisse deme abbete vnde deme kouente scolē dūn . Tho eȳ=/ner betuchnisse desser
stucke . So hebbe wȳ vnse Jngesegele ghehanghen / vor dessen bref . Ghescreue(n) to deme sunde na
godes bord dusent iar / drehundert iar jn deme achten vnde sestighesten iare des achten daghes / na
suntte marcus daghe des hilghen . ewangelisten